



Universitätsbibliothek Paderborn

Antidota Apostolica contra nostri temporis hæreses

In quibus Loca illa explicantur, quæ Hæreticj hodie (maximè Calvinus & Beza) vel ad sua placita stabilienda, vel ad Catholicæ Ecclesiæ dogmata infirmanda ...

In Acta Apostolorum to. primus

Stapleton, Thomas

Antverpiae, 1595

1. Cùm complerentur dies Pentecostes, erant omnes pariter in eodem loco.

urn:nbn:de:hbz:466:1-39424

his viris, qui nobiscum sunt congregati, testem resurrectionis fieri. Determinat ex quo numero deligendus in Apostolum esse; & quod Scriptura iuxta Petri interpretationem in genere futurum prädixerat, illud quomodo & qua via in particulari fieri debeat, solus prescribit. Ita & Scripturam solus exponit, & indefinitum Dei mandatum solus definit. Hæc duo priuatim Petrus gerit, reliqua collegis ac fratribus permittit.

CAP. II.

1. Cum complerentur dies Pentecostes, erant omnes pariter in eodem loco, &c.

CVR ad huc vsque Pentecostes diem missio Spiritus S. dilata sit, & quid illa missio in cordibus fidelium operata sit, D. August. sapienter exponit: Spiritus Sanctus per quem diffunditur charitas in cordibus nostris, qua plenitudo legis est, etiam dicitur Dei in Euangelio dicitur. Vnde quia legis tabule digito Dei conscriptæ sunt, & digitus Dei est Spiritus Dei per quem sanctificamur, ut ex fide viuentes per dilectionem bene operemur, quem non moueat ista congruentia, ibidem que eadem subsistit? Dies enim 50. computatur à celebratione Paschæ, qua occasione figurata ouis per Moysen fieri præcepta est, in significationem utriusque future dominice passionis, vsque ad diem quo Moyses legem accepit in tabulis digito Dei conscriptis. Similiter ab occasione

Spiritus S.
cur die
Penteco-
stes datus
De Spiritu
& lit.
cap. 16.

A 2 & resur-

Cap. 17.

Et resurrectione illius qui sicut ovis ad immolandum ductus est, 50. diebus in unum congregatos fideles digitus Dei, hoc est, Spiritus Sanctus impleuit. In hac mirabili congruentia, illud certe plurimum distat, quod ibi populus accedere ad locum, ubi lex datur, horrendo terrore prohibetur: hic autem in eos superuenit Spiritus sanctus, qui eum promissum expectare: in unum fuerat congregati. Ibi in tabulis lapideis digitus Dei operatus est: hic in cordibus humanis. Ibi lex extrinsecus posita est, qua iniusti terreterentur: hic intrinsecus data est, qua iustificarentur. Hæc ille, verum usum ac finem dati hoc die & hoc modo Spiritus Sancti explicans. Calvinus hoc totum ut argutiâ contēnit, & in die Pentecostes hæc accidisse vult, quia dies festus erat, quo plurima hominum multitudo conueniret, ut res celebrius innotesceret. Atqui alia festa erant, maximè feriæ paschales seu septem dies azymorum, statim post resurrectionem Christi, non minùs celebres, quibus mitti Spiritus potuerat, si illa magis solida causa esset, ut loquitur Calvinus. Porro & ex hac missione verù discrimen legis & Euangelij describitur. Lex extrinsecus terrens, Euangelium intrinsecus afficiens promulgatur: quod latius loco citato pertractat Augustinus. Habuit autem hic Spiritus Sancti Aduentus in ipsis Apostolis singulares effectus vocationi ipsorum proprios, ut loqui linguis omnium gentium, quia Euangelium toti mundo annunciaturi erant. Sed
donum

Caluini
corrupte-
la.Legis &
Euangelij
discrimē.

donum charitatis intrinsecus iustificans, & ad omnem pietatem corda inflammans, commune omnibus erat, sicuti effectus statim docuit, ut in fine huius cap. Lucas describit. Vult Beza solis Apostolis datū esse Spiritum Sanctum; & carpit Catholicos, qui B. Virginum, in medio Apostolorum pingunt descendente Spiritu sancto. Sed textus clarè docet omnes fuisse pariter in eodem loco. Videlicet 120. quos in superiori cap. designavit, inter quos recensetur B. Virgo. Et tametsi Petrus non nisi aliorum undecim nomine turbæ loqueretur, nisi eorum causam ageret, ut Beza vult; illud ideo fieri potuit, quia illi soli linguis loquebantur magna Dei, cæteris fidelibus aut tacentibus, aut talia magna non loquentibus. Sanè in omnes præsentis Spiritum Sanctum descendisse, & hoc vnum discrimen fuisse datæ legis in monte Sina, supra ex August. loco citato accepimus.

Beza furtivis
causillatio.

23. *Hunc definito consilio & præscientia Dei traditum per manus iniquorum affligentes interemisti.*

PERSUADENT sibi firmiter ex hoc loco Calvinistæ, hominum impiorum malefacta non solum Deo præsciente & permittente, aut etiam ad certos laudabiles fines ordinante, sed etiam actuè ad illa concurrente, eaq; ipsa ut fiant decernente, perpetrari: ut hoc

A 3 videlicet